

宗伯馮先生集

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
JUN 27 1941

T 5422/3212

3

宗伯集卷之四

北海馮琦用韞著

哈佛大學漢和
圖書館珍藏印

詩

五言律

送王大理無憲職閱視延綏

欲問貔貅隊仍須獬豸冠
臨關卿月迥出塞陣雲寒
整暇軍聲壯驅馳王事難
莫將旌節好虛借路人看

迢遞延州路風沙古戰場地當左馮翊塞直

宋集 卷之四
右賢王飛將摧驕虜懸軍出大荒那堪分士
馬辛苦戍漁陽

地擁長城壯山當上郡雄椎牛誰饗士市馬
久和戎苦樂軍中異安危塞上同莫教河隴
外獨擅貳師功

聞寧夏邊報

不見妖星落還聞羽檄飛廟謨思仗鉞天意
在宵衣屈指誅戎首驚心念禍機治平何日
奏消息問黃扉

皓首同嬰難邊臣亦可哀時危空授命事去
不論才名豈誅晁錯鬼應坑杜回故園春已
盡白骨好歸來

大將分旗鼓中權擁節旄宵深封事入日旰
主心勞不見妖氛淨其如秋氣高孤城十萬
戶早已下蓬蒿

未戰先行賞君恩信是多何時誅僕固終
日憶廉頗朝士空持橐邊人自枕戈爭傳萬
里外有詔下西河

欲問盈庭議惟當決勝才願呼驃騎將早破
赫連臺四野胡笳合孤城羌笛哀夜深驚起
坐曾否驛書來

遠道傳烽火高天結陣雲不愁回紇馬恐似
棘門軍列鎮兵相仗連營勢轉分漢庭占吉
語可得入秋聞

讀楊太宰詩有感

近得尚書信殷勤問 聖躬愧為香案吏未
覲建章宮寤寐思 明主安危寄令公 皇

何日定應待采芝翁

拙宦終無補浮榮空自憐承明難謁帝中夜
苦憂天受賞何顏色蒙恩憶歲年將辭燕市
月歸向汶陽田

送莊冲虛太史冊封靖江王

為分桐葉去速向桂江頭遙想日南國還同
關內侯客程遙度嶺歸計欲經秋珍重三都
賦雞林已見求

知君忽已义門下見門生多少青雲士皆成

白雪名汝能稱杞梓吾可遂柴荆如過衡陽
道相思一寄聲

送周尚寶以寧夏事謫潮陽尉

雞肋官仍薄羊腸路轉難可憐秦逐客更遠
楚江干事云空談劔憂來盡指冠潮陽碑尚
在寂寞待君看

兵亂誅鼎錯時危厭穢衡不眠憂國事久念
使人驚 聖主終無意孤臣敢自明未須嗟
按劔寵辱盡浮名

絕塞烽烟動西征將卒驕如何慷慨士遠去
聖明朝隴首春蕭索旄頭夜動搖廟謨能自
定謫宦敢辭遙

送崔仲素少府解官東歸

折柳帝城圍飛花滿路塵可憐寒食節相對
倦游宦業貧非病交情別更親夜來有歸
夢憑寄故園春

世途那可問之子掛衣冠不謂王孫去仍同
范叔寒有身成小隱何物是微官笑指營平

月三山天外看

今夜長安邸踈燈話舊遊明朝潞河畔片月
照寒流失色休談虎忘機且狎鷗從來故鄉
好原不是并州

微官易去國又病喜還家不分青春色先歸
碧海涯入山逢羽客隔水問桃花欲識真人
氣蓬瀛指落霞

雨中書懷

未料陰晴事難瞻日月光捷書邊騎少氛侵

海波長久雨或妨稼多愁非望鄉何時乾后
上若為問穹蒼

七夕敬承邀諸子集董園時敬承將有
留院之命

名園同載酒秋色上人衣喜共雙星會愁將
片月歸世間常苦別天上亦多違安得填河
鵲乘風盡北飛

次日復邀諸子共集

把酒對秋天秋烟靜可憐夜當牛女後人擬

惠莊前河漢復幾許濠梁遂渺然賓筵休隔
日別思恐經年

送敬承掌留院兼懷公亮

有美同心侶聯居上院西入朝時並馬憂國
屢聞雞情或機雲似名慚李杜齊預愁明夜
月獨影對青藜

我未尋初服君先問綵衣孤懷蛩自語故侶
鴈同歸為客多離合浮名半是非圖南吾豈
敢願託北山薇

見說留都好郊游事事新鶯啼官舍曉花發
帝宮春詞賦為君子湖山得主人六朝何足
問擊楫大江濱

抵掌言時事推心讓友生馮唐慚論將陸贄
善談兵緩急衆相仗艱難獨不平未須榮結
綬還擬請長纓

雙闕雲霄色三邊戰伐塵未能忘國恤終是
愧人臣及汝惜分手相期各致身如過嚴瀨
上且莫羨垂綸

平生新綰綬楊子久抽簪寥落惟中散羈縶
在上林五年幾握手何日一談心萬里江楓
夜相思秋色深

聞寧夏平志喜

北關飛書至西河下詔新九重猶罪已百萬
始為人討罪君王命全城天地仁懸知舊父
老喜極復沾巾

斧鉞刑初正瘡痍病未蘇六師同解甲列郡
尚飛芻亂後幾人在城頭片月孤朔方控西

域漢武本雄圖

鄖浙年來事驕兵亦太寬恩威元自失反側
詎能安今日平河朔英風折可汗至尊應
色喜擬向御樓看

不謂三邊地仍煩六月師關河屯虎豹京觀
戮鯨鯢殺氣生星劔雄風戰鬥旗將軍好乘
勝急破海東夷

喜公孝與至夜話

不是經年別何知此會難星疑今夜聚春似

宗仙集 卷之四
故鄉寒事往思髻亂愁來吐肺肝莫言君未
達吾甚愧吾官

送孝與有事晉中

得子可銷愁愁來子不留客情寒似雨春色
淡於秋懸榻思同夢臨關羨壯遊相期無隔
歲結束大刀頭

送操江中丞張正之四首

仗劍辭中禁揚帆濟大江舊居青瑣闥新擁
碧油幢坐鎮開天府先聲下海邦留侯在帷

陸籌策本無雙

獨秉臺端節來提水上軍樓船出海樹鼓角
入江雲南北今無限安危併在君 至尊仍
旰食吾敢恨離羣

幕府前旌去王程後命催六師同擊楫千隊
肅銜枚練甲含江動瑀戈挽日回莫將今日
事更待異時才

地重能相借時危敢自安不辭良會少漸覺
盛名難對月論肝胆臨風惜羽翰由來贈策

意非是為彈冠

喜仲素至夜話

半年如久別千里喜重来有約仍聯榻無心
更築臺青燈同不寐白髮兩相催為問東山
上桃花幾樹開

送仲素歸海上

惟有思歸客難堪送別筵茂陵吾卧病彭澤
汝歸田欲去頻更日相期尚隔年紫芝如可
採携手海雲邊

與汝同朝暮憂來尚不任天涯風雨夜海內
弟兄心未別愁分袂相看淚滿襟尊鱸吾所
憶應不待秋深

夜中書懷呈海叢

世事吾何問愁來日轉增半生憐病女中夜
對寒燈折節延醫卜寬心賴友朋舖糜吾願
足安穩在漁罾

日日論歸計年年苦未能興因愁漸減官覺
病難勝萬態隨消長浮名易愛憎自慚非叔

夜已復愧孫登

吳太華使君買姬

舊是瀛洲侶新移上苑花
追歡徹夜月斂態
出朝霞笑擲潘安果
嬌含碧玉瓜不知萬里
外曾否怨秦嘉

寄珂弟

同氣方成立他鄉已倦游
弟兄吾及汝歲月
喜無愁病劇難消
夏歸遲復待秋
向來腸斷
盡不忍更登樓

泛舟送別嘉猷

共有張翰興來陪郭泰
舟樹深猶帶雨波淨
已涵秋夕客看歸棹
臨岐悵勝遊未能如潞
水隨汝共東流
後會終難定清驪只暫同
離筵偏惜日返棹
乍分風片鳥江湖外
飛帆烟霧中預愁分手
處旅思滿孤蓬

送別嘉猷與直卿世用共坐瀛洲亭

亦是瀛洲地新分鴻鴈行
離魂同黯淡歸興

在滄浪樹蔭消殘暑蟬聲送夕陽懷人看漸
遠空憶水中央

不寐

欲寐不成寐將歸未得歸宦情何日好交道
故人稀七尺因名累孤悰與世違青山空在
眼慚負薜蘿衣

孝與見訪別後寄詩答

相逢意不盡相送復如何匹馬龜蒙道千山
雨雪多聞雞余起舞叩角爾行歌明歲薰風

夜重來醉薜蘿

念我如饑渴逢君問急難千秋心自許半夜
影相看莫擊荆卿筑終彈貢禹冠綈袍無可
贈嗟爾敝裘寒

汝謀將避地吾意已憂天客路愁風雪歸期
逼歲年艱難心獨苦慷慨病中憐不似山陰
道空回訪戴船

不是陽春調還憂和客稀如何初服日更與
故人違白髮輕簪紱青山采蕨薇冶湖新卜

宗伯集 卷四
築歲暮爾同歸

雄州道中

驅馬雄州道都門第四程
人家收秫米估客買魚羹
密樹霜華薄寒波夕照平
江湖方自此魏關若為情

登樓

實有看山興非關蹈海謀
江湖仍戀關風雨亦登樓
上古君臣際中原天地秋
媿無黃石畧先從赤松遊

海氣兼秋色氤氳逐望生
四圍山遠近半嶺日陰晴
人外寒蕪淨林端野燒平
漸諳丘壑趣那為避浮名

懷懋忠中丞

春雪滿長安懸知塞上寒
飛花疑大纛和月照雙鞬
恩重君親並名高進退難
試詢黃髮意曾否許辭官

令伯陳情疏千秋見汝真
思歸因愛日將去且防春
余獨非人子能無念老親
白雲滄海

上極目轉傷神

大風答世用

大地聲回薄千林影動搖天威誰敢測風伯
亦何驕雷雨虛相望塵埃苦未消願君調玉
燭終日不鳴條

漫道春來好狂飈擁亂沙驚聞天號令愁掩
日光華暝色連千里濤聲響萬家寄言崔處
士早護上林花

春雪

雲葉無天合冰花到地融片輕猶帶雨勢穩
不隨風多病愁春冷將歸喜歲豐郢中誰作
賦白雪苦難工

何意冰霜色能先桃李開偶分清禁影不為
艷陽來白日雙扉掩清宵短棹回青山渾欲
老玉樹莫相猜

挽材官海岳黃翁

鶴髮嗟今日貂裘憶少年老多兒女累貧得
友朋憐念載成何事孤魂尚在邊贈刀嗟已

守伯集 卷之四 三
矣掛劍轉茫然

今歲漁陽路前年冶水涯
半生常作客垂死
竟無家塵已凝詩草霜仍吐
劍花岱宗原故
國莫復滯龍沙

送介軒家叔南還

將去且盤桓明朝欲見難
歸鴻春後急匹馬
雨中寒又作天涯別兼懷膝下歡
老親如見
問稚子近來安

人外綠蕪平河梁遠送行
獨醒看酒態又客
羨歸程夜話常聯榻心期在
耦耕何時麥壠
上雙坐聽啼鶯

送母南還書懷呈老父及示少弟

溽暑寧堪別春暉未抵恩
風塵滿道路僮僕
問晨昏久客思將母高堂始見孫
懸知今夜
月兩地各銷魂

戀別且承歡慈顏忍淚看
母應憐少子兒獨
客長安親髡年年改名途
事事難膝前新受
教知止勝為官

拙宦登三品親年感二毛忍將家口累獨使
父心勞有客同杯酌忘機對桔槔食貧寧足
問仲蔚本蓬蒿
坐惜護花別高吟棠棣篇汝才堪入洛吾道
倦遊燕莫倚冠裳族當知父母年明秋風力
健應着祖生鞭

宿樓雲閣

曲徑穿林入高樓面水開鳥將雲並宿客與
月同來竹色四時雨泉聲半夜雷乍驚衣袖

濕露下泛舟回

仲素違冶湖之約以詩見問賦此荅之
小榻君高卧名山我獨過客憊今日少竹比
舊時多綠草雙遊屐蒼烟一釣簑停撓懷賀
監孤負鏡湖波

莫問春遊事千花總笑君兩餘山吐月風靜
水生雲開徑延求仲臨池憶右軍草堂連歲
約昨夜勒移文

送季韞弟以選貢廷試

愛爾凌雲筆長安獻賦來鳳毛行入沼駿骨
合登臺兄弟聯花萼君王問草萊明朝鹽鐵
議莫遜漢時才

柳暗澗澗道蕭蕭暮雨寒不愁孤客去欲別
老親難白髮娛甘旨青雲策治安臨岐何必
恨報至是承歡

寒夜阿戎語青山小謝遊最憐鴻鴈影堪慰
蓼莪愁汝又此時去吾將誰與儔季鷹有歸
計斟酌在初秋

挽朱鑑塘司寇

俯仰嗟時事艱難失大臣平生憂社稷垂
死憶松筠寂寞歲舟夜淒涼折檻人史魚猶
未葬萬一悟 楓宸

一讀南臺疏朝紳總震驚當時拚已死今日
凜如生片語扶綱紀孤忠託 聖明誰知天
仗馬放逐亦長鳴

繡紱趨華省官同周六卿素棺還故里家似
魯諸生兩泣都門道霜飛稷下城歸魂何太

宗伯集 卷四
其
晚前日是清明

安石吾家彦看公必友于九原阻一別千里
託諸孤挂劍方舍慟輿棺已在途新阡看只
尺曾訪戴公無

誰言燕市遠郭外即天涯遺鬼不歸第孤魂
空憶家兩楹今日酒三月故園花不散英靈
氣長虹接暮霞

冶水

如何滄海上風物似江南亂種王猷竹雙携

戴仲柑樓臺山對立烟兩水相涵欲共黃鸝
語孤飛入翠嵐

不減元卿徑都無二仲遊花裊低擁砌柳慢
近當樓隔樹聞樵唱隨風漾釣舟臨淵何所
羨只是愛清流

別業

何必入山深居然似漢陰雨殘雲在竹野曠
日平林近都無人事為農長道心柴扉炊黍
罷端坐聽鳴禽

宗伯集 卷四 七
荅懋忠中夜見懷之作

客歲傳書札天涯若比隣如何同帝里翻似
異鄉人不對金蘭友空孤麴米春欲謀良夜
醉好待月華新

不奈妻孥病俄驚歲月遷跡堪同大隱身已
過中年短髮多愁裏孤燈獨影邊夜來誰與
晤興在剡溪船

懋忠將行同于田夜坐因憶向年懋忠
比隣亦以雨中送別悵然有作

不謂新知樂仍無遠別愁悲歡同此夕風雨
似初秋把酒念今昔談詩當獻酬明朝即長
路斟酌數更籌

蔣符卿邀崔仲素及余同遊張大叅舊
園亭

大隱冰陵藪名園接郡城祇疑秋入夏况復
雨新晴樹古被龍甲花繁綴馬纓誰能邀二
仲惟有蔣元卿

曲水環如帶蒼崖列九屏花飛三徑紫樓敞

萬山青勝地多興廢清狂半醉醒年年閱遊
客獨有草堂靈

城河堤上望月

歸徑復相留泉聲夜轉幽星回天北極月落
水中洲耐可消煩暑何妨納細流坐疑圖畫
裏但少木蘭舟

晚樹蒼烟合晴霄片月孤驪珠光不斷天鏡
影平鋪螢火時明滅荷香乍有無會心何必
遠勺水亦江湖

過舊園

重過菟裘地空餘陟岵哀遺踪那可問舊客
與同來亭小存堂構園荒半草萊欲將今日
酒和淚寄泉臺

同季韞用鳴二弟遊赤澗小園及觀石
泐紫澗瀑水

有小序

誦棠棣之章爭看韡韡睹蕙葭之色已
復蒼蒼方擬卜居正當在告名符赤甲
地遠青門志向平之伍遊且為地主携

蔣卿之二仲況係天親近看一水之如
環遙指千山而作障寄餘情於魚鳥託
高賞於雲霞觀廣陵之濤煩疴乍起得
康樂之句塵夢初醒各賦新詩仍堅後
約靡言不報倡酬何異填箎無已太康
傲戒願同蟋蟀

秋色冷蕪葭長林遶岸斜看山頻召客近水
欲携家移席依楊柳沿溪問稻花未窮丘壑
趣策杖入烟霞

修竹蔭清流荷花滿院秋已知三徑好況與
二難遊隔樹看調馬臨池欲狎鷗年來頻賜
告一壑主恩優
雨過雲猶濕烟深徑轉迷乍聞人語響遙隔
水聲西岸抱孤村轉山連遠樹齊持竿聊寄
興休擬釣璜谿

石棚

空谷秋聲急飛流下石巖憑虛飄玉屑滿壑
挂冰簾雲竇長風吼苔花細雨霑盤渦深不

測疑有臥龍潛

紫澗瀑水

瀑水晴如雪濤聲晚作雷誰教天漢落坐遣
地維開萬馬乘秋下雙虹遠澗迴早知茲壑
勝悔不抱琴來
絕壁雙流峻藤蘿未敢攀幽寧耽一壑高已
歷千山暗谷驚風雨清秋響佩環朝宗應北
向到海不辭艱

山徑

地僻無車轍行歌有負薪青山一徑遠白屋
數家貧密樹頻旋馬迷途屢問人不因烟色
暮溪上且垂綸

晚歸

歸路寧辭晚殘霞嶺外明乍驚深谷斷忽見
小橋橫雲盡山隨馬天空月近城懸知今夜
裏池草夢中生

胡使君罷郡將別以雙鶴贈余曰此鶴
足相方也其一昂藏有翺翻寥闊之志

其一病翅然本屬同侶亦復依依余讀
其詞悵然不能為情為賦五言四章

海鶴勞相贈長鳴似念羣翮疑千仞下聲已
九天聞願比雙黃鵠同棲三素雲只愁珠樹
影難謁玉宸君

病鶴何年病經秋尚未蘇骨驚清露冷影對
夕陽孤澤雉堪相狎羈鷹莫浪呼何當雙翼
健萬里下平蕪

鍛羽嗟吾道乘軒况爾曹自應銷病骨其奈
析秋毫霄漢憐雙影風霜感二毛中宵空起
舞誰為聽鳴臯

縱是經年病能無戀主心夢回三島近愁隔
五雲深此日悲同侶因風憶上林試將別鶴
引持比鵲鴿吟

同館中諸兄集張質卿次韻

共有王猷興無妨蘇晉齋偶然逢客語忽復
散人懷片月流雙闕微塵淨六街直宜秋色
冷獨與素心諧

宗伯集 卷之四 三十一
大祥上冢書懷示弟

生別只天涯孤魂不到家
龍頭空雨淚顏鬢已霜華
石馬嘶風急松門墮月斜
永懷風木恨反哺愧林鴉

扶病沾新命開阡比上卿
可憐三日侍不盡百年情
多難憂家國殊恩激死生
孤臣無寸補北望裊心驚

有兒應見憶書不到人間
昨夜愁中夢猶驚病裏顏
恩仍瞻舜日壠自拱堯山
堯在山下舞

袖帶紅血都非舊日斑

病起仍成病愁多不耐愁
青燈孤照影白髮暗驚秋
尚作蘭芽夢空懷竹笋憂
黃泉猶自涸清淚幾時收

伯氏自吹埴高堂獨樹萱
秋風空殞涕夜月轉消魂
望汝延三益相期慰九原有
懷長不達搔首背晴軒

同季韞用鳴弟遊赤澗菜園頗有卜居之志

緩步尋鷗渚同遊接鴈行草連平野綠天與
遠山蒼小徑隨流水孤村帶夕陽若教栽五
柳更擬作柴桑

何處堪為圃君其問水濱好營五畝宅寄此
百年身碧樹寒仍發青山遠更真三公是何
物嗟爾灌園人

同兩弟觀荷花有感

坐對芙蓉沼行歌棠棣吟相依香漠漠獨立
影沉沉人自憐芳艷誰當識苦心秋風漸蕭

索結子已如金

贈兗郡司理周公乃翁舊為漢陰長

魏闕疏恩日江天問少微自為彭澤宰久息
漢陰機麗日開綸誥晴雲絢舞衣清時須獻
替青瑣奉庭闈

誰執于公法因傳劉向經南陔方獻壽東郡
儼趨庭優詔臨丹壑華筵醉綠醞如陵應有
頌遙指魯山青

同曾直卿張泰亨教嘉猷送余世用歸

葬無思敬承

都門相送處賓客白衣冠不見荆卿去蕭條
易水寒遽成生死恨轉見別離難尚有遺文
在歸來掩淚看

地遠堂簾隔天高進退難未披陶侃疏空對
史魚棺倚仗憑誰料身名幸汝完攏頭松栢
樹應解指長安

生前作死別死後憶生平念汝魂將去令余
夢亦驚文章千古事兄弟九原情腸斷河橋

路蕭蕭候鴈鳴

廿載渾汝夢遺踪不可尋那堪垂白髮相對
哭同心隔世淵明酒臨風子敬琴陸雲如可
遇地下有知音

劉少宰及曾朱二宗伯有事于南郊天
街望月以詩見示用韻奉荅

東觀班行舊南郊秩祀同惟應香案吏偏近
水晶宮一線回元氣孤標正八風羣生何日
遂請為問蒼穹

閣道通銀漢高丘挂晚霞九重天咫尺三五
月光華雲作瑤臺縠霜飛玉樹花恹來多白
雪曾是泛仙槎

大祀齋居書懷呈李太宰

畫省慙金鏡齋居集玉珂乍驚新劔珮還對
舊藤蘿公署有古藤夢逐飛葭遠才慙愁添多上
書多未報敢問夜如何

視朔何年事書雲詎敢憑煖應思曝日寒尚
畏堅冰閱世嗟馮衍憂時媿李膺泰交如可

見矯首一陽升

端揆堂月下與李太宰共話

清切東曹地間居一事無天懸如水鏡人自
坐冰壺引領前星耀驚心片月孤那堪添繡
縷直擬伏清蒲

冬至祀南郊承遣分祭風雲雷雨壇

寶琴迎神奏燔柴謁上玄未能瞻紫極何以
格皇天雲雨從龍日風雷悟主年甘泉休作
賦願上我將篇

題遲竹窓園亭

何處堪乘興名園擅海邦
荷風清入坐竹月澹臨窓
調馬開金埒邀賓倒玉缸
恠來琴曲好階下水淙淙
密樹叅雲合飛流與砌平
汲泉烹鹿竹避暑臥桃笙
花氣沾新雨鶯聲報晚晴
西來多爽氣一帶遠山橫

代肖翁有懷戲集古字

投桃人已遠擲果興偏饒
翠鬢題紅葉明粧憶紫簫
雞聲催夜月蝶夢斷春宵
金屋思佳麗偏憎鴻鴈遙

歲暮答懋忠

久別何時會殘冬又復春
夢隨關塞遠愁共歲年新
事往如前日書來似故人
濟時公等在吾意老垂綸

病中二弟至

乍見喜還驚相看百感生
汝能千里至吾覺九愁輕
有病思鄉曲無人似弟兄
燈前十載

宋集 卷之五
秋日有懷懋忠時懋忠在秦

坐對新秋憶舊歡
客無同調夜偏寒
名山恨不同余往
令節還愁見汝難
別後起居雙尺素
夢回風雨二長安
可憐一片中宵月
君在三峯頂上看

陪祀長陵

文皇陵墓枕居庸
王氣連雲正鬱葱
葱原廟衣冠千古淚
帝圖襟帶萬山雄
至今魚海無傳箭
見說烏號有墮弓
夜雨崆峒仙仗杳
六龍

松栢尚斯風

送家叔驃騎度遼

長城萬里阻三韓
曉月秋霜照玉鞍
大漠名王休近塞
中原飛將欲登壇
馬嘶邊地黃塵合
劍倚胡天白日寒
聞說六師驃騎最
酬恩早為斬樓蘭

寄淮陽守鑑弦舅

故園春色近如何
笑指浮雲寄詠歌
南國由來多薏苡
東山且可問松蘿
三年臥治淮陽

守仁集 卷之五
郡千里澄清瓠子河為憶舊時行部處棠陰
不散暮烟多

居庸關

羣山如帶界中原南控京華國勢尊萬雉不
教殘地脉千峯直欲倚天闔烟封鳥道雲難
度風起龍沙日易昏谷口湯泉今在否乘槎
無意問河源

巖岫中開小徑懸巨靈高劈不知年乍臨萬
壑疑無地纔度重門別有天壯士弓刀常帶

雪將軍惟悵迥浮烟書生不請長纓去劍氣
猶堪照斗邊

居庸近接軍都地四塞雄圖入望開襟帶千
峯常址折梯航萬國盡東來雲橫遠岫疑生
雨風落長關欲作雷定鼎祇應歌祖烈清時
不數勒銘才

五年不出居庸道今日重來感舊遊紫氣遙
瞻龍虎地青山近接鳳凰樓平臨星斗三千
尺下瞰燕雲十六州但使此關長鎮靜不煩

定仙集 卷五
仗策取封侯

遊廣福山寺

山有仙人博處

對削雙峯小徑開
丹梯翠壁轉縈回
空香縹緲諸天下
秋氣蕭森萬壑來
青草斷碑餘古洞
白雲殘局冷仙臺
山僧野老堪同坐
海鶴汀鷗莫浪猜

小樓漫成

砧聲不斷暮烟收
鴈度晴空人倚樓
晏子舊居元近市
蔣生新徑故宜秋
露滋碧草寒猶

薄雲濕青山翠欲流
清興杳然何所寄
憑欄東望是滄洲

秋晦夜有懷京邑

九秋節序暗相催
風入疎帷夜自開
嚴助元非勞侍從
陶潛真喜賦歸來
夢依三殿飛龍來
望斷千金駿馬臺
天祿故人相憶否
鴈行不繫尺書回

夜懷宋鑑弦母舅舊淮陽守

蕭蕭門徑掩脩篁
落落寒星帶草堂
宋玉故

應裁郢曲汲公何意薄淮陽霜清小院琴書
冷雲臥空山薜荔蒼時序漸更雙鬢改莫言
常戀芰荷裳

冬至拜牌

陽生緹室葭灰動春近琳宮翠幄開佳氣籠
葱天北極瑞烟縹緲日南來未從視朔觀周
禮自為書雲上魯臺遙想九霄芸閣吏珊瑚
玉佩散朝回

去歲茲辰供奉班中朝肅穆漢衣冠諸方盡

入天王貢聖主親郊太乙壇雲覆離宮華蓋
轉霜清輦道玉珂寒虛疑咫尺威顏在翹首
天門謁帝難

葡萄

掩曖繁陰覆綠苔藤枝蘿蔓共縈回自隨博
望仙槎後詔許甘泉別殿裁的的紫房含雨
潤踈踈翠幄向風開詞臣病渴沾新釀不羨
金莖露一杯

一架扶踈碧水潄午涼不散綠雲深芳香未

醞醍醐味秀色全滋薜荔陰紫玉含風秋液
冷玄珠入夜月華侵莫言西域傳來晚猶及
相如賦上林

同世用開之登法藏寺浮圖絕頂

七曜迴光照并翰九霄宿霧護旃檀珠搖大
地河山影檻壓中天沆瀣盤隱隱樓臺分北
極蕭蕭風雨出西巒二君並有凌雲氣指點
神州賦未難

送范鴻臚官歸瑞陽

信是承明謁帝難都門已挂惠文冠江湖一
葉渺然去虎豹重關迥自寒避世何期同范
蠡論交能復憶馮驩漢家宣室應相召莫向
滄江老釣竿

寄壽朱鎮山大司空

玉節玄圭鎮上游懸車高臥五湖秋三朝出
入榮殊錫一代平成藉壯猷帝自金堤思劔
履人從水部見弓裘傳聞禹蹟多靈異歲歲
江南獻海籌

過故相第

長安變態香烟霞賓客紛紛田竇家燕子已
歸誰甲第牡丹空泣舊繁華十年黃閣沙邊
路幾日玄都觀裏花寂寞重門車馬絕後庭
無樹夜棲鴉

九日獨酌諸君有西郊之遊僕無與焉
高秋落木滿長安風雨重陽慘不歡鴻鴈乍
來霜信早黃花不發菊盟寒天涯弟妹書難
到客裏壺觴興易闌諸子茱萸應插遍殷勤

為寄一枝看

九日曾直卿張質卿陸敬承費國聘薄

暮見訪

寂寞誰當慰索居浮雲暮色正愁予二三兄
弟能相問重九風流尚不虛入夜青藜堪自
續遠籬黃菊未全舒莫言側弁疎狂甚猶是
龍山落帽餘

家君之官和州

十年攬轡龍荒地今日單車入楚疆六代襟

行伯集 卷之五 七
喉連白下四圍山水近滁陽此邦信美非吾
土去國雖遙是帝鄉渺渺行塵看漸遠平原
秋樹晚蒼蒼

始知畏路大難工淚洒江天賦轉蓬三世起
家州刺史十年出塞漢雲中物情任自矜周
璞往事何心問楚弓聞道烽烟猶未靜醉看
雄劍倚長風

鄉心惆悵白雲飛一問郵程淚滿衣羈旅孤
臣從此去京華遊子欲何依殘霞天落濡須

水明月江空乘石磯別後幾時書信達只愁
秋盡北鴻稀

閏月九日駕幸天壽山復閱壽宮

松栢平臨御道開旌旗遙拂五雲來始知三
駕飛龍地不是千秋戲馬臺仗外星辰皆北
向望中巖岫盡西迴侍臣扈從登高處共上
南山萬壽杯

帝陵佳氣鬱蒼蒼龍武千軍奉玉皇山與翠
華同一色天臨黃道又重陽九秋霜靄迎仙

仗萬壑烟霞接御香此日周王方定鼎十年
卜世共靈長

夜過見泉年兄承惠詩篇率爾奉荅

數從問字過西鄰下榻相看意轉親何物炎
氛銷大夏惟應高唱有陽春一庭新雨苔侵
徑滿坐涼雲月近人清會來宵還可續莫教
談塵靜生塵

登顯靈宮閣

極目長空鴈影南千峯當檻落晴嵐清秋斜

日窺金象古木寒雲鎖石龕地迥樓臺三島
接天低烟樹萬家舍虛疑縹緲緱山嶺時有
蕭聲駐鶴驂

九日王育明石伯詹舍弟共酌時舍弟
將東歸矣

風雨重陽萬木寒蒼然秋色滿長安自携北
海先生酒不減東籬處士歡節序他鄉同落
帽雲霄吾黨一彈冠明朝又折河橋柳今日
茱萸莫漫看

薄暮先歸漫成

天涯節序強歡娛落帽風前客思孤酒力漸
消人易倦鄉書欲寄鴈難呼一天涼雨催庭
菊九日西風下并梧寄問故園諸少弟相思
誰為插茱萸

公亮將別偕過敬承夜話

對几憑欄話舊踪夜深寒雨帶疎鍾何人解
送揚臨賀愛客真推陸士龍去住風塵同寂
寞悲歡情事未從容醉歌不淺今宵興又是

明朝思幾重

送唐客部仁卿予告歸粵仁卿自去歲
已請告矣

暫辭蘭署問松蘿握手其如欲別何客棹漫
衝羣鴈度歸旌遙指五羊過更生自愛傳經
好長孺年來賜告多知汝冥鴻無限意願將
招隱代驪歌

九日同魏見泉余雲衢登顯靈宮高閣
分賦

守作集 卷之五
咫尺蓬萊謁上玄
秋空極目正蒼然
畫圖不散猶龍氣
風俗仍傳戲馬年
禁裏樓臺三殿迥
城頭雲樹數峯懸
相看盡是游仙侶
醉把瓊簫弄紫烟
阿閣凌嶒倚絳霄
相傳棟宇自先朝
金書玉笈無消息
菊蕊萸枝對寂寥
天近百靈環帝座
秋高萬籟奏仙韶
下看人世勞何事
九陌飛塵總不銷

登玉皇閣

洞霄高閣接長空
大地河山指顧中
供奉久為香案吏
追隨同上玉虛宮
珠簾拂曉偏宜雨
蠟屐乘秋好御風
矯首神州惟一氣
不知何處問鴻濛

秋夜獨坐偶成

丹鳳城西小苑開
夜深清露冷蒼苔
寒星歷歷踈螢度
落木蕭蕭候鴈迴
涼雨乍收雲滿樹
碧天如洗月臨臺
中宵不掩雙扉臥
恐有相思命駕來

萬壽聖節侍班待漏簡揚奎垣太史
長安紫氣曉氤氲翠蓋紅旂望未分萬國衣
冠朝集使九關虎豹羽林軍未央正問周王
夜復旦同瞻舜帝雲列宿一時同拱北願將
南極祝明君

送李將軍總戎上谷

秋高虎握陣雲生地盡龍荒劔氣橫虜帳近
連秦上谷軍麾重拜李西平中宵風雨鳴刁
斗萬里天河洗甲兵歲歲名王稱屬國不煩

繫頸請長纓

十四夜同泰亨茂仁飲吳少保第

上公開宴奏雲和詞客招歡集玉珂急管嬌
歌人已醉銅壺銀箭夜如何爭看綺席邀明
月直訝星橋接絳河此夕漢宮傳臘燭五侯
春色定誰多

十六夜過懋忠見諸郎喜而成詠

徙倚高軒望月輪幽居不受綺羅塵總無濁
酒酬佳節未厭清談對故人何處銀花偏照

宗伯集 卷五
夜滿庭玉樹別成春看君便作高陽里元凱
何時起鳳麟

送弘陽鄉丈冊封粵藩

帝遣雄藩鎮百蠻仙郎使節五雲間爭看叱
馭王陽去不比分金陸賈還八桂封疆連翼
軫千秋帶礪指河山王程莫漫耽幽興遲爾
逍遙供奉班

龍旂大輅荔江濱萬里山川入賦新地接三
危仍建國天臨百粵盡稱臣梅花嶺外迎朝

使榔葉陰中問至人道路流離憂不細看君
何以獻楓宸

同懋忠小坐以詩見示次韻奉荅

綠陰寂寂覆蒼苔小徑蓬蒿待汝開塵世猶
能容吏隱青山且莫賦歸來故人笑語花相
對終日狂歌鳥不猜萬態浮雲終自定此中
相見但銜杯

夜共孝與話別兼懷子愿

離心已寄灞陵塵夜雨連牀意轉親客邸疎

宗伯集 卷之五
燈同此夕故園芳草動經春眼中交態誰知
已世上浮名不借人君過犁丘相問訊若為
披豁對吾真

送周礪齋太史冊封滎陽王過家為伯
母壽

大河春樹接滎陽六傳飛塵出建章文似馬
卿新授簡情同羊叔更稱觴皇華擁節開侯
甸青鳥啣書過海鄉兩地風謠如可采齊都
洛水共泱泱

元日思歸柬懋忠

東風依舊是天涯坐對椒盤懶頌花雙闌未
曾瞻日表半生真覺負年華官情老去仍憂
國客況閑來倍憶家稍喜青春堪作伴故山
遙指海邊霞

讀懋忠詩大半贈別懷舊之作茲復遠
別感而成詠

憶余南下楚江湄憶汝西遊華岳祠仕路百
年偏得別離情一日即相思天涯踪跡誰同

守仁集 卷五
調篋裏詩篇只自披君到鴈門關上望書來
好及鴈來時

七夕送別嘉猷

銀河萬里接長安轉為分携惜合歡隔歲女
牛相見少老年兄弟遠離難尊鱸一夜秋風
早砧杵千家月影寒明日便為橋上別人間
天路兩漫漫

新春同端叔汝培飲世用宅

春風杯酌日相邀誰道揚雲尚寂寥故侶正

宜清夜飲主恩已放紫宸朝敢因對局矜長
勝且喜論心得久要慷慨酒闌仍繫筑憂天
無策轉招搖

同世用宗伯訪端叔中丞因留小酌

新年朝謁病全踈翻覺長安一事無為約稽
康同命駕來尋張翰共呼鱸羣公盡避中丞
馬列署爭看御史烏回首瀛洲亭上客春風
如舊鴈行孤

人日同世用汝培飲端叔宅

去年此日人相憶此日新年對故人
人得同心堪卜夜天於勝日倍生春
冒寒酒盞寧辭醉垂老交情始見真
恠庠塵襟清似洗滿空霜月淡如銀

十三日同世用端叔飲汝培宅

銀臺應不減烏臺小閣邀賓綺席開
地近上林花欲發天將元夕月先來
停杯舊事還重省刻燭新詩取次裁
且去且留仍訂約何時重醉後庭梅

十六夜邀世用端叔汝培小酌

長安燈燭接烟霄小酌清談興自饒
人世幾能無四美月華况不減元宵
九衢羅綺驕春色萬戶笙歌託聖朝
乍似火城催劔佩曉來轉覺漢宮遙

有感

飛雪隨風下九關蕭蕭寒色靜朝班
匹夫有罪因懷璧逐客何年得賜環
歸路春衣皆白袷滿庭夜夢到青山
可憐立仗龍媒種未及

長鳴已放還

馬侍御言事被謫

聞君薄譴出神京始信天王自聖明
松栢臺前烏欲散梧桐花下鳳初鳴
一官差可酬孤憤片語猶堪置死生
盛代爭臣原不乏何須著論激陽城

元夕侍介軒不至

迢迢更漏隔城闌徙倚空齋憶酒人
豈是金吾偏禁夜惟應玉洞自生春
琴中流水寧無

意賦裏行雲似有神為問清宵同夢者
雙蛾可比月華新

為王介石兵憲題中流介石圖

獨立滄溟萬里潮扶桑若木豈為遙
坐清大海鯨鯢窟直駕中天烏鵲橋
欲問銀河誰解挽試看金甲已全銷
好將百尺波心石移作千秋銅柱標

題仲素撫松亭

大澤山前大海隅海山迴谷小亭孤
如何五

柳稱居士却對雙松似大夫三徑寒濤清不
斷千峯晴雪冷相扶旁人錯比神仙宅蜃氣
橫臺知有無

喜仲素至夜話

小閣清燈設榻初微雲淡月夜窓虛囊無京
國綾紋刺几有仙人栢葉書松下止疑君是
鶴濠間莫問我非魚從知崔顥多佳句欲和
陽春恐不如

于年伯聞余請急以詩見寄有都門又

作畫圖看之句猶謂余以吉行也更二
年始追道苦懷以荅之

素車白馬

帝城隅

時有太
后之役

莫擬都人作畫

圖 聖主威顏違咫尺嚴親衰病願須臾露
凝淚共芙蓉冷風急身同鴻鴈孤媿殺繞枝
南去鵲不如庭樹夜啼鳥

謝于年伯見慰之作

風雨蕭蕭冷素帷書來父執倍淒其先臣垂
死承恩日孤子餘生泣血時啓手未酬烏鳥

恨斷腸真廢蓼莪詩傷心千里同胞在劔挂
斜陽攏樹枝

送郡守范公之關中苑馬少卿

河山十二舊分符雲錦三千亦壯圖沙苑終
年歸塞馬海邦今日靜天吳甘棠春雨留齊
甸苜蓿秋風近漢都為問希文祠下井不知
清比使無君

題揚中丞思親樓

層樓縹緲俯塵寰畫棟朱欄尚可攀依舊慈

烏啼樹杪總無白鶴到人間五龍深鎖橋邊

水樓龍近五百雉斜連郭外山惟有蕭蕭庭下

竹當年曾對舞衣斑

題中丞望京樓樓在瓜市

濟川豈合老滄洲况復時艱藉壯猷漢殿九
重迷曉望齊城十二人邊愁天連紫極思
明主地接青門即故侯自是子牟常戀關非
關庾亮獨登樓

登雲門山

矯首層巔御遠風晴嵐萬壑散鴻濛乍驚閭
闔通天上遙指河山落掌中九疊雲屏高自
掩千秋寶鏡照還空未論三島神仙窟咫尺
人間路不同
萬仞巔屹倚太空洞雲深處碧雲叢清秋白
日懸孤月古木蒼崖響大風疑有五丁開道
路欲從四塞吊英雄海氛東望頻翹首轉憶
安攘仲父功

寄壽于秩宗年伯

廿年講殿捧牙籤太乙青黎照御函池上夔
龍思聽鳥海邊鷗鷺對抽簪朝廷獻替仍虛
左天下文章在指南盛事已無三不朽為公
但祝百斯男
南省鄉雲近紫微明光曉奏勸宵衣自從劍
佩歸滄海不見鸞輿出禁闈一曲春湖明
主賜十年芳草故人違莫教綺季山中老且
為皇儲定是非

邢司馬經畧朝鮮

瑯戈十萬指扶桑絕域爭依衮繡光 帝用
元樞為鎖鑰天迴大海作金湯樓船春泊雲
連水幕府宵嚴月似霜稍放西羌置都護即
看南粵繫名王

王師水陸四元戎經畧全無節制雄天上兵
符占太乙軍中殺氣接長虹健兒格鬪無生
死朝列飛章有異同試問唐宗平壤後何人
開府海雲東

寧因屬國救中華萬里要荒自一家南下將
符兼五嶺西來兵力盡三巴馬頭龍雀驚相
顧隊裏貔貅靜不華莫問分營叱海外只愁
轉餉到天涯

竭來海內稱虛耗況是防倭復備胡重譯何
年歸白雉大軍經歲守玄菟天山劔鏑含霜
冷明月刁環入夜孤萬馬連宵催轉戰中權
親挽繡螭弧

誰將長劔斬長鯨氣懾天吳不敢驚白羽一
揮神策將朱旂三破鬼方兵風回草木開雲

陣山蹴波濤列海營今日華夷須混一肯容
孤島請行成

送別孝與同遊赤澗菜圃

一會何堪抵別愁未能分手且同遊人家雞
犬桃源路野水蕪葭剡曲舟憶昨論心還聽
雨即今送遠更悲秋明年便是湖山主期爾
東鄰借許由

九月同房恒太玄同張立菴和菴劉大
壘遊周氏園亭顏延年作五君詠蓋竹

林諸賢王戎山濤以貴見黜戎日夜持
籌孳孳言利即不貴亦當黜若濤不負
其官即不負吾君矣古人或隱而隱或
仕而隱與夫仕而不媿其隱即避世金
馬門豈不稱大隱哉愚謂黜戎甚當黜
濤則延年之偏也

青林白露滿亭臯天外千峯爽氣高九月陶
家新菊徑千秋范叔舊綈袍論心且喜逢三
益握手相看感二毛莫以五君堪入詠遽因

薄宦點山濤

劉惟道邀諸君子同遊王司馬河陽花
塢步過孫參知竹園

司馬名園接近關蒼崖白石鎖潺湲漫隨劉
子看花至虛擬玉猷對竹還橋影雙龍臨臣
壑樓標百雉壓羣山自憐踪跡終城市不及
輕鷗作隊閒

張子宜子貞招余同恒泰宏泰惟道小
酌

廿年宦海白頭新不及燈前對故人為有同
心交似水坐教殘臘氣如春二難況復聯兄
弟六逸何須問主賓共說張華龍劍好會看
雙躍下延津

送魏中丞撫晉中

玉節乘秋出漢宮牙璋如雪指河東并陘鼓
角從天下上黨山川接塞雄何必馮唐能論
將即看魏絳已和戎上兵自昔稱全國莫漫
輕邀破虜功

宗仙集 卷五 三
千里雄關接冀都，崑崙天外控匈奴。試看鐵
騎新行塞，不比金繒遠。賜胡節制總歸中，執
法威名先到小。單于塵消玉帳，渾無事獨立。
轅門片月孤。

季母壽詩

中宵婺彩映春暉，欲借長裾作舞衣。共羨平
陽為相國，況當潘岳奉慈闈。鳳雛愛日依朱
邸，龍詒從天下紫微。東望滄溟看咫尺，瑞烟
長繞五雲飛。

送葵南胡郡伯歸閩鴻洲燕郡貳歸楚
征車南去渺難攀，何日孤臣得賜環。閩海有
龍歸劔水，楚天無鴈到衡山。千峯自吐金銀
氣，雙闕誰當虎豹關。聞道除書猶未報，兒童
爭望使君還。

齊門風雨晚蕭蕭，楚塞閩天道路遙。繡斧誰
乘司隸馬，朱輪競插侍中貂。寧因黃綬憐知
已，自為蒼生惜聖朝。莫以鄉心耽薜荔，漸
愁權稅到漁樵。

元月八日與孝與夜話兼讀見貽之什
朝遊聯佩夜聯牀咫尺伊人又一方握手一
年為一夕驚心明日是重陽霜前鴈陣涵秋
色筆底驪珠吐夜光欲問元龍天下計漫言
中散醉時狂

初至奉高與穀山年伯夜話

單車踏遍萬重雲半為名山半為君乍語舊
歡頻拭淚却驚新會是離羣神霄曾識蘭臺
侶仙洞重披玉檢文明日峯頭同北望長安

秋色正氤氳

九月三陽菴別穀山年伯

曉隨仙侶叩玄關白石黃花滿目斑客裏茱
萸堪共醉樽前楊柳莫輕攀未酬明主空
憂國不柰離情且看山明日征車何處宿白
雲獨伴謝公還

寄邢制府

虎符龍劔碧油幢為斬長鯨下海邦後騎未
離遼海郡前驅已度大通江螿孤一指朝摩

壘斧鉞雙懸夜受降
稍待功成畫麟閣
雲門烟月引歸艤

送少宰裴年伯子假歸閩中併呈太宰

李年伯

新承休沐主恩殊
始覺鄞江勝鑑湖
司馬從來稱水鏡
丞鷹何必憶尊鱸
愁看官闕寒雲白
夢入松楸片月孤
屈指堯階蕙莢換
思君何處詠都俞

欲賦驪駒不忍聞
那堪暫會是離羣
若教綠野歸裴令
誰向龍門御李君
劔佩正思東省會
薜蘿休勒北山文
時危轉覺恩光重
二老峯頭望五雲

寄荅楊濟寰中丞

漢宮春陌舊鳴珂
萬里道仁白雪歌
豈有東曹稱水鏡
喜看西粵擁霜戈
廿年蘭臭同心少
五嶺梅花入夢多
媿殺張衡還近密
桂林不見思如何

得懋忠書兼示晉中官評

白雪紅梅七見春書傳關塞倍傷神憐君欲
去如烏鳥笑我重来似鴈臣但覺魏徵多斌
媚還知郭泰善人倫玉隄尚記分携處依舊
青青柳色新

元旦憶懋忠

都門轉眼逢新節客舍驚心憶舊歡鐵騎凋
戈秦上黨星橋火樹漢長安天涯明月遙相
對眼底浮雲不共看欲問離愁無所寄鴈門
關北北風寒

除夕書懷

青熒燈火對寒宵客比揚雲更寂寥半夜夢
魂千里外兩年心事一身遙苦因少弟留慈
母未代先人荅 聖朝安得青陽開左个欲
從天路誦祈招

紙房與季韞弟聯榻書懷

秋色淮寒病催老白髮難除葉難掃野店寧
知夜淺深孤燈細話愁多少我已三年泣蘭
玉汝亦累舉羞妻嫂雞鳴蕭蕭風雨急對擁

宗伯集 卷五
寒衾坐天曉

同諸友飲房宏泰新第

春風初至雪初殘
新第新年續舊歡
大厦自堪來燕雀
故人相對有芝蘭
華燈照夜驪珠濕
寶月當天玉鏡寒
明夕元宵知更好
星橋火樹擬同看

太宰李年伯邀余携具過少宰裴年伯
清宵杯酒屢相將
曲席親依北斗光
幸有青雲聯世契
不知寒月是他鄉
燕臺擊筑心猶

壯杞國憂天鬢已蒼
裴李齊名今再見
何妨吏隱老馮唐

陪太宰李年伯過少宰裴年伯皆以詩
見示次韻奉答

悔別青山憶望諸
為憐同病賦同車
喜從青夜陪高會
愁望承明隔直廬
對酒何妨呼白墮
談詩已覺勝黃初
棋聲乍斷寒更遠
殘月盈盈簾影疎

望諸齊藪澤也

教宮詹嘉猷以余初度惠詩書懷奉答

敬次來韻

獻賦同時謁漢宮，驚看白髮兩成翁。
卜居乍可隨詹尹，啓事寧堪佐上公。
老母無書仍在，遠孤臣有疏半留中。
十年未對君王面，咫尺紅雲是轉蓬。

初度何堪擬魏公

來詩有名字韓公之句

喜歌白雪調

相同顧余敢望為霖用，期汝先收捧日功。
身是魯人終蹈海，心懸漢殿尚呼嵩。
未成報國家，仍遠紫禁青山兩夢中。

楊太史年丈暫晤京邸，仍之閩中總憲

贈別三章

紫殿曾參法從班，重來無復覩龍顏。
水經延浦仍分劍，月滿燕臺未賜環。
意氣尚吞雲夢澤，宦情長對武夷山。
九閩近日如天上，鳳閣鸞坡亦是閑。

抱玉荆山苦未明，和歌燕市意難平。
回看歲月同朝暮，細話交游半死生。
市駿千金名未滅，聞雞五夜夢還驚。
可憐送別河橋客，不到

宗伯集 卷之五 五
陽關第四聲

外臺何必減中臺萬里清秋憲府開欲藉故人同報主為憂世事更憐才酒同季布非難近路似楊朱轉易哀舊日玄都休謾說桃花無恙待君來

邢太保破倭功成以大司馬筦留鑰過家省覲太夫人

雲霄漢闕頒新命豐鎬周京奠舊邦九列獨高蒼玉佩六師爭擁碧油幢橫戈絕域春浮

海擊楫中流夜渡江

聖主憂先根本計留

侯籌策况無雙

北虜南倭總蕩平山濤未敢罷談兵煙消大海鯨鯢窟風起長江虎豹營鎖鑰盡歸周太保韜鈴長護漢西京 孝陵咫尺鍾山下搔首中原感慨生

萬里滄溟遠建牙重因居守與宣麻莫言南北分天塹曾領華夷作大家絕塞霜花生賜劔故園鶯語雜鳴笳起居八座稱觴日遙指

扶桑海上霞

魏中丞屢抗章言事 上優容之居七

年詔許歸養喜而有贈

七年獨握邊頭節百歲欣承膝下歡入塞始
知親舍近辭官轉覺 主恩寬巢鳥返哺情
何劇仗馬長鳴影自寒一著荷衣堪愛日也
應見日憶長安

詔許中丞駟馬歸歸心先逐白雲飛欲將舞
彩為初服自愛江魚上釣磯海內幾人憂

社稷朝廷容汝侍庭闈 主恩未報親仍健

且喜青山近 帝畿

送表弟宋元昭將軍度遼從李大將軍

麟編舊是魯諸生燕頷新懸塞上名定有千
金酬駿骨何妨萬里度龍城匈奴豈敢論甥
舅僕射真堪託父兄幕下從來多國士任安
新屬衛長平

雄關東向海天開短劍長纓亦壯哉自有終
軍能破敵誰云郭隗未登臺雲銷列戍孤烟

出風捲平沙萬馬來千載漢皇兼好武肯教
衛霍遜鄒枚

宗伯集卷之六

北海馮琦用韞著

詩

五言排律

雲門遠眺

設險推天府憑高望雪宮五丁開混沌一氣
破鴻濛地應虛危起山連泰岱雄摩霄橫作
障溱海曲如弓洞口明殘雨天池飲斷虹喬
雲時靉靄恠峽轉巖窈窕神仙窟崢嶸造

化工猿帝秋壑靜月落曉巖空萬樹圍平楚
千峯繞大東鶴聲縹緲外仙樂有無中伯業
餘形勝衣冠想會同乘時欣在德表海是
皇風

大閱

海宇同文日君王講武來五雲迎雉尾萬乘
出龍媒簇仗青旗繞鳴鸞曉漏催禁庭饒頗
牧扈從有鄒枚羽動千軍合圖旋八陣開重
申司馬法大簡羽林材劍轉霜文落弓彎月

影迴御營叢虎豹天令迅風雷破的多長枝
揮戈亦壯哉兵車聯漢騎鼓角振燕臺指顧
清諸夏威靈徧北垓長揚無羽獵細柳淨氛
埃聞道漁陽塞匈奴氣已摧

送教嘉猷之泯藩冊封便道省覲

帝德先敦睦天書出禁垣授圭周太史當塵
楚王孫五嶺分侯甸三湘控大藩江花邀翰
墨春草待輜軒紫氣輝南極青山指故園遠
持龍虎節暫駐鳳凰源將父因王氏寧親亦

主恩日迎宮錦麗雲逐舞衣翻露屑分金掌
霞漿泛玉樽子懷良以慰慎莫戀丘樊

立秋日同楊公亮飲陸敬承第分韻得
風字

星轉招搖柄天回闔閭風九衢炎霧歛雙關
曙烟籠雲薄宮城柳寒生露井桐開尊惟陸
賈問字有楊雄雅量公榮上清狂叔夜同愁
應消坐塵興已付詩筒世事悲歌裏年華悵
望中素交渾易盡薄宦轉難工對雨思芳杜

因風憶晚菘羈心隨客燕鄉信待歸鴻逝欲
從田父忘機學海翁惟餘兩龍劍耿耿對長
虹

公亮阻風天津漫賦寄懷

不謂辭閭闔仍當滯舳艫物情元塞馬行色
復天吳水滉蛟螭鬪風高馬騶呼無天開巨
浸盪地鼓洪爐刻鷁堪水劍探龍敢問珠中
流思縱壑近海想乘桴亦已踈鸞掖家猶隔
鑑湖飛翻應羨鳥暇豫不知烏再別誰明玉

宗伯集 卷之三
羣言竟破葫汝才猶落漢吾道轉睽孤每過
楊雄宅真悲阮藉途多應愁敗素官豈薄紆
朱涸轍難濡沫雄心恥泣隅圖南雙翼在九
萬藉搏扶

送楊太宰致政東歸

今代唐虞理誰當翊贊功滿庭皆振鷺羣望
屬非熊北斗中臺峻文昌八座崇不緣尊國
老何以代天工雅量涵溟渤孤標倚華嵩陳
情違闕下奉詔起隆中獨立回元氣終身仗

朴忠總師熙帝載作保乂王躬晉錫隆三接
乾符啓四聰人倫齊郭泰簡要薄王戎劔舄
登民譽江河正士風有謀皆體國無念不和
衷報主無中外完名得始終九流歸品藻一
世闢鴻濛何事辭端右飄然向大東勉留三
殿切阻送百僚空道路稱疏傳安危寄晉公
請看今日事真與古人同溪水桃源路秋風
桂樹叢錦堂邀落日繡嶺亘長虹五岳風塵
隔三山海氣通鳥迎仙馭轉花借袞衣紅到

里逢春暮憂時祝歲豐野人爭坐席故侶問
筒公輔思揚震神仙訪葛洪北山無怨鶴
南浦有冥鴻羽翼歸商皓儀容寓漢宮帝方
詢黃髮公豈忘丹楓白裕山中相朱顏河上
翁懸知軒后仗早晚下崆峒

送大宗伯于穀山年伯請告東歸

禮樂師前輩文章仰大巫韋賢宜相漢張翰
遽歸吳宿昔開東觀聲名起上都襟期常抱
玉咳唾亦成珠獻納走黃幄 君王御絲圖

每於堯舜側時進禹臯謨簡自西清署來叅
北斗樞五雲聯玉佩片月照冰壺夙夜虞三
禮乾坤魯一儒星辰瞻赤舄肝膽向青蒲調
護煩公等頻繁奉 帝俞此時憂社稷詎合
乞江湖去國才難盡傷時病未蘇股肱多謝
免羽翼恐睽孤伏聽中朝議將開衆正途
至尊思用楫吾道豈乘桴有客同操槩無庸
偶濫竽南州徐孺榻北地濟冲壚密契忘年
外清歡卜夜俱游非關射雉醉或藉呼盧宦

况秋來薄心知老漸無偶然看驛騎一倍憶
江鱸鄉路可遼遠離心正鬱紆即當成契闊
且為立須臾鴈影時將晚驪歌日欲曠不辭
麟在野所冀鳳將雛魏關亭忘主青山不負
吾黃公石尚在相待穀城隅

山莊書懷集字

一眺荒村闊千峯宿霧迷投竿波渺渺着屐
草淒淒日落長川淨烟峯遠岫齊青鳧飛小
徑白鷺遠平堤梅圃懸春月松扉拂澗霓乘

高仍倚檻寄興在扶犁避地甘華髮看雲望
紫泥五窮身易退七發醉能題吹笛龍初下
橫琴鶴乍低江湖誰得似小艇竹林西

七言排律

同賈洛濱葛鳳池玉泉臯餞別原葵衰
年丈之潼關兵備二十二韻

潼關天險接遐荒憲節乘秋下帝鄉襟帶二
陵包鞶洛股肱三輔控秦涼青牛自識真人
氣白簡仍飛使者霜夾路豺狼俱屏跡當關

宗伯集 卷之六 六
虎豹儼成行，橐鞬欲動風雲色。兵甲真銷日
月光，玉壁一門通箭括。雕題萬里度艸航，拊
循畿輔周分陝。鎖鑰邊城漢護羌，按部已清
左內史。軍麾應款右賢王，經行渭北芙蓉苑。
坐繡終南明月岡，憶昔天門同駕馭。一時神
駿共騰驤，談兵五鹿標時譽。出宰雙鳧覲尚
方，羨爾新為柱下史。諸君並作侍中郎，葛洪
故自稱仙吏。王吉年來有諫章，宣室方聞歸
賈誼。金門久矣隱馮唐，延津雲起雙龍合。別

渚烟深一鴈翔，人去五原瞻馬首。道分九折
繞羊腸，欲因贈策留隨會。自是登車憶范滂，
要害有人為保障。承平無地不康莊，灑橋易
水波瀾闊隴阪。燕山道路長，最苦同袍分手
日。一天風雨近重陽。

五言絕句

恭陪 聖駕步禱南郊紀盛六首

便殿傳中旨，齋居減上供。漢皇祠太乙，原不
為乾封。

萬乘出郊圻君王御布衣曉雲低不散盡逐
六龍飛

龍武新軍罷勾陳御路開紅塵都不掃留待
雨師來

雲接御爐烟天臨玉几前 至尊方罪已莫
擬賦甘泉

萬靈陪帝御百辟扈天行已勅豐隆下松濤
作雨聲

重見桑林禱南郊秩祀回滿身烟霧濕天上

從龍來

題張洪陽年伯閒雲館五首

振衣廬山頭卜築章江側中有素心人不愧
白雲色

季膺歸計早不待秋風至一對雲中君忘却
人間事

簾捲山當戶林開雲滿身始知衣上色不是
洛京塵

朝望白雲起暮望白雲歸豫章多少樹不礙

白雲飛
靄靄時出岫
霏霏欲承宇
莫是白雲間
終當作霖雨

題萬玉山房

滿地種琅玕
修枝蔭茅屋
微風如有會
一一鳴寒玉

此君有高節
亭亭自孤直
總多千畝陰
不礙青山色

本是瀟湘人
最愛瀟湘竹
何處丘中琴
歷歷

瀟相曲

空庭復何有
白鶴照秋水
渺渺望茶烟
時出

幽篁裏

幽居何爽愷
良夜倍清曠
月明在踈竹
復照

寒溪上

宮詞五首

宮扉明曉日
對鏡綠雲鬟
顏色豈相悞
君王

或未閒

舞袖不厭長
點黛爭嬾淺
却笑班婕妤
好容易

辭彫輦

脉脉欲何道
盈盈私自憐
倘徼君一顧
不必
衆彌妍

妾有齊紈扇
持獻昭陽宮
不堪比明月
聊以
佐薰風

不寐長門夜
絡緯秋燈下
願作紫絲韁
為君
御六馬

哭亡女

少小生京國
行年始十春
如何故鄉去
未作

故鄉人

碎玉何其早
歲環未可期
只愁千里外
驟遣
老親知

故友驚相問
浮生黯自疑
漸看今日淚
不似
少年時

夢裏如相見
人前或錯呼
不如梁上燕
並坐
已將雛

兒念母有母
母念兒有女
強欲寄家書
執筆
淚如雨

女向隴頭臥婦在閨中泣片語暫相勸已自
青衫濕

曹見素崔仲素遊南陽河上紀事

但得遠城市何須問隱淪試臨清水曲不媿
素心人

蒼崖環四塞曲徑幽篁裏渺渺疎林烟夕陽
人渡水

披襟蔭古木移席就清流主客了無言颯颯
天風秋

仄徑不容足先登復回首隔樹問同遊諸君
曾來否

岸折水縈迴柴門對水開茅茨間不掃滿徑
松風來

扁舟非訪戴醉翁不在酒風物近重陽問有
菊花否

桔槔有機事抱甕無塵想不如臨河渠坐待
春蔬長

深林日已夕策馬隨潺湲更疑人境外別有

桃花源

弟以鸚鵡朱魚見惠走筆荅之

投我以鸚鵡報汝以鶴鵠何當雲霄上同攝
鳳凰翎

試聽鸚鵡歌願為鸚鵡誠美服患人指多言
恐招敗

豈無成龍姿限此一勺水一釣連六鰲願學
任公子

七言絕句

送顧實甫年丈還吳

灞橋水散九河流風起蘆花兩岸秋同是倦
游君已去夕陽亭上望行舟

蟬聲處處和驪歌風度漕河起夕波獨有故
人分手地蕪葭秋色暮烟多

杯酒離亭憶舊遊歸心別恨不堪秋懸知十
二天街月影落三江伴客舟

露下天空大火流河橋水色黯生愁布帆縹
緲延陵道桂樹千山為子秋

不是鱸魚憶釣磯為求綵服問初衣莫教霜
氣催秋暮尚有天涯人未歸

大通橋汎舟

日影遲遲錦纜開檣烏不動燕飛迴碧流遠
接長天盡一片晴波樹杪來

馬文莊老師挽歌

典禮猶聞肅漢官中台星折朔雲寒素車渺
渺秦關岳惆悵都人罷市看

天臨黃閣絲綸地帝御平臺召對時見說至

尊顏色動嘉謀無復近臣知

淚洒都門落照殘秦川一望路漫漫關門散
盡真人氣萬木蕭森渭水寒

誰從麟閣畫風儀想像容輝尚自疑太華迥
臨千尺上相君端拱立朝時

東郊雨望

遙遙萬樹入雲微漠漠孤禽帶雨飛十二天
街塵不起可知未染芟荷衣

贈林叅戎

守仙集 卷之六 十一
嶺上高雲結陣圖城頭新月挂雕弧沙場坐
鎮間無事笑倚風烟擊玉壺

號令宵嚴靜不譁將軍緩帶醉烟霞興酣欲
拔龍泉起萬朶芙蓉落劔花

憶昔論交冀北軍平原門下客如雲十年肝
膽知誰在今日相逢獨有君

鄭制府招飲虛白室

晉公堂上鄴侯書香篆微消竹影疎今日客
來虛白室未應人羨炒玄居

庭花冉冉映麟袍玉樹翩翩起鳳毛此地自
來多雨露武皇親為植緋桃

登臺

臺上孤亭拂霧開天中飛蓋接雲回陰山只
在長城外萬點峯霞落酒杯

班婕妤好扇

露濕空堦宮漏長禁城千樹曉蒼蒼可憐扇
影如秋月不共揚輝入未央
秋草淒淒冷玉除昭陽殘月落窓虛任教中

道損紉扇不向君王乞共車

韓夫人秋葉

西風瑟瑟水潺潺羞向秋波照玉顏
恹道宮愁流不盡秋來一葉重如山

涼風昨夜上陽偏鏡裏蛾眉轉自憐
一葉香隨流水去秋英落盡又今年

讀漢史

君王新駕六龍回榜社雲連帳殿開
壯士滿朝零落盡蕭蕭沛水大風來

雄風莽蕩滿神州氣捲長淮水不流
謾道定梁冰上略千秋遺恨海春侯

六師三駕賀蘭山不道徵輸度漠艱
露布傳來天馬入中原萬騎老蕭關

單于款塞奉春朝夾道歡呼擁渭橋
十二股肱麟閣上元功不畫霍嫖姚

六宮傳遍邳支圖絕域勲名知有無
不見明君新出塞胡沙無盡漢雲孤

送侯大將軍之留都

雕戈金甲繡螭孤詔自天樞賜虎符大將詎
能忘北塞君王原是重南都

六代青山擁建牙錦袍鱗帶映朝霞滿庭片
片飛紅玉盡是芙蓉劍底花

片帆南渡暮雲青萬里江天倚翠屏應憶去
年同醉處隔陂烟水傍湖亭

寒食過公亮

不厭頻繁問故人為憐相別倍相親生憎南
浦橋邊色已向長安陌上新

題闕氏畫像

貂裘繡帶玉為姿不是明妃出塞時聖主恩
深荒漠外不教胡女怨馬支

翟輸春暖鎖芙蓉爭羨胡姬拜漢封繞膝錦
襪珠勒馬當胸寶袜繡盤龍

塞北佳人亦自饒白題胡舞為誰嬌青霜已
盡邊城草一片梨花冷不銷

紅粧一隊山陰下亂點駝酥醉朔野塞外爭
傳娘子軍邊頭不牧烏孫馬

為趙少宰題牡丹圖

百寶欄杆護曉寒，沉香亭畔若為看。
春來誰作韶華主，總領羣芳是牡丹。

數朶紅雲靜不飛，含香含態醉春暉。
東皇雨露知多少，昨夜風前已賜緋。

瑤華脉脉殿春殘，姑射仙人畫裏看。
月下敢矜容似玉，年來真有臭如蘭。

為于年伯題五色牡丹圖

艷蕊連翩映彩霞，獨將傾國殿春華。
虛疑五

色文通筆散作平章萬樹花

非烟非霧倚雕欄，珍重天香雨後看。
願以美人錦繡段，高張翠幙護春寒。

送魏懋忠

執手河橋數鴈行，鴈聲歷歷水湯湯。
如何容易辭知己，不似慙慙望故鄉。

幾許春風幾許塵，與君同調與君親。
可憐明日長安道，馬首相逢是別人。

擊筑高歌興未孤，暫分離恨作懽娛。
不知後

宗伯集 卷六
夜相思夢得及今朝醉裏無

送孝與東歸

萬里蒼烟海氣通
欲從何處望東蒙
斜風細雨長安道
賴得分携是醉中

素衣不禁帝京塵
出郭看春已暮春
我自倦遊君未遇
楊花如雪送歸人

南浦春波照酒卮
謾將離恨託前期
如何命駕能千里
不為臨歧住少時

烏啼春樹和驪歌
十日平原柰爾何
相對只

嫌幽意淺別離轉恨故情多

送素玉磐太史開封楚藩并懷乃弟倩

修

王家臺榭枕重湖
曲席親觴漢大夫
君到楚宮逢設醴
不知曾問穆生無

黃鶴磯頭黃鶴還
至今踪跡落人間
舊曾遊處難忘却
城上樓臺江上山

征帆遙指洞庭波
惆悵離筵奏楚歌
歸見惠連為寄問
池塘春草近如何

送全玄洲太史開封趙藩

大陸駢驛驛騎催西園
夜讌待君開節從金
虎臺邊去人自銅龍署裏來

太行南下水東回
河岳中分趙邸開
恠底使星偏入鄴
詞臣原是建安才

欲從道路問流離
風起揚沙五月時
寄語芙蓉池上客
何人先賦七哀詩

雀臺高出白雲層
伯業雄圖有廢興
寂寞山河那可問
千秋片石是韓陵

七夕

銀漢清秋萬里遙
月開粧鏡桂雲綃
可憐精衛空填海
不及天孫鵲駕橋

天空露下夜如何
漫道雙星已渡河
見說人間方恤緯
可知天上欲停梭

一水盈盈會轉稀
敢從天漢問支機
彈冠吾欲趨朝省
聞道君王已曝衣

七夕千門望女牛
爭言乞巧獨登樓
人間機事知多少
永夜蛛絲總未收

月明秋淡曙河微脉脉新愁理舊機為問七
襄何日就西征吾欲賦無衣

少薇都諫以歸省索詩而余先得請

雙親未老主恩寬千里欣承膝下歡遙想杜
門同病客妬人雙騎發長安

新春寄懷懋忠中丞

天外風烟接塞垣山中芳草憶王孫可憐夜
夜相思夢只在雲門與鴈門

祭戟高懸虎豹間中丞坐鎮鴈門關書生未

就蘭臺草鈴閣無聲畫自刪

北斗初回紫陌春物情偏與歲華新虛勞柳
色開青眼只是相逢少故人

故人故國俱千里新病新愁又一年何日同
開燕市酒與君細話冶湖船

登岱大霧口號呈于年伯

翹首天門翠縠蒙九霄宿霧腎遙空憑君為
破洪濛色坐擁扶桑海日紅

玉符山下別于年伯

昨朝派策探金簡今日銜杯對玉符秋色漸
深人漸老不堪分手夕陽孤

帝師未竟留侯業國士難忘豫讓心君自西
歸吾北去不知若个更知音

冶水別孝與

未能留汝復相留冶水何如剡曲舟記取與
君分手處水邊修竹兩邊樓

余解部事歸翰林送仲素還海上

仙翁欲返滄溟棹學士初歸紫禁班君是少

微吾太隱世間何地不青山

三山日月尋仙易雙闕雲霄報主難多少長
安鳴佩者輸君海上一漁竿

戲贈仲素

手把瓊簫作鳳鳴滿天風露月華明如何王
子緱山上却有秦樓弄玉聲

黃鶴青鸞事渺茫溫茶即是白雲鄉殮霞乍
可同盧女流水何妨賸阮郎

病中絕筆

浩渺天風駕海濤三千度索問仙桃翩翩一
鶴青冥去已隔紅塵萬仞高

詞部

題梅雪雙棲圖

竹外瑤華千頃更與素梅掩映雙雀草寒枝
蹴落飛花無影相並相並明月驚棲不定
階下扶疎玉樹雪色粧成太素借汝一枝安
直恁相親相附且住且住梁上雙棲相妬

右調如夢令

梅共雪歲暮闌新粧月底素華同弄色風前
輕片半含香不比柳花狂雙雀影堪比雪
衣娘六出光中曾結伴百花頭上解尋芳爭
似兩鴛鴦

右調望江南

代介軒書懷

不願為雲何須似雨但求如雪雨落難收雲
濃易散惟雪稱奇絕亂點梅稍細勻花瓣玉
色都無分別倩微風吹入華軒俏把繡幃輕

宗介集
揭 梅解偷香雪如傅粉賈女何郎相悅漏
泄春光東皇相妬不得常攀折雪片都消梅
香依舊瘦影冷侵孤月問何時重上瑤階明
歲寒時節

右調永遇樂

借有卿嘉猷送楊叔向是夜雷雨

舊別何年後會何時今朝又分昔日青衫不
堪灑淚此時白髮復是離羣汝未彈冠吾非
結綬以此憐君更媿君極目處斷橋古道衰

草斜曛 驪歌欲唱堪擧天若為君亦憐神
看壯氣難銷震雷交下離情似織細雨續紛
遠送孤臣止餘三友珍重尊前見在身何必
嘆試看雙劍定會延津

右調沁園春

送楊叔向寄聲李汝培

君過淮揚寄問李生近安樂耶憶驄馬班中
聽殘禁漏盧龍塞外久靜胡笳意本豪華地
偏佳麗明月高樓十萬家相逢處且斟酒蟻

莫問弓蛇 河橋秋色蕪葭試細話交游轉
自嗟念我自如鳧偶來沙際君還似鴈又向
天涯冰不相留欲留無計一片離心對暮霞
還妬泔泔同美李對瓊花

右調沁園春

完仙集卷之六終

